



Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 408 888; Fax: 033 408 881  
E-mail: [nasastranka@nasastranka.ba](mailto:nasastranka@nasastranka.ba)  
Web: [www.nasastranka.ba](http://www.nasastranka.ba)

Broj: \_\_\_\_\_/18  
Sarajevo, 25.06.2018.

Skupština Kantona Sarajevo  
Zastupnica Neira Dizdarević  
Naša stranka

BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
SKUPŠTINA KANTONA SARAJEVO  
VLADA KANTONA SARAJEVO  
MINISTARSTVO SAOBRAĆAJA KS  
n/r predsjedavajuća Ana Babić

#### **PREDMET: ZASTUPNIČKO PITANJE**

Poštovana,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16 ) upućujem zastupničko pitanje Ministarstvu saobraćaja KS:

Da li je u proteklih godinu i po dana održan ijedan sastanak Komisije za izradu prijedloga mreže linija javnog prevoza putnika u KS, i ako jeste, koji je datum održavanja?

Takođe je potrebna informacija da li je predmetna komisija razmatrala inicijative i pitanja koja se odnose na izgradnju okretnice za potrebe uvođenja minibusne linije Ilidža-Lužansko polje?

Ukoliko nije, da li je potrebno da nadležna služba općine Ilidža Ministarstvu saobraćaja KS ponovo dostavi zahtjev za novu liniju i red vožnje za traženu liniju, obzirom da, prema Pravilniku o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo općinski organ dostavlja zahtjev Ministarstvu najkasnije do 31.08. tekuće godine za narednu godinu ili će se inicijative iz prethodne godine (2017.) i dalje tretirati kao validni zahtjev?

#### **Obrazloženje:**

U periodu od decembra 2016. godine do juna 2018. godine, vijećnica Azra Jahić u Općinskom vijeću Ilidža u više navrata je zahtijevala ubrzanje procesa izgradnje okretnice i uspostavljanja minibusne linije Ilidža-Lužansko polje. Prema inicijalnom odgovoru Službe za razvoj Općine Ilidža iz januara 2017. godine, kao i u svakom od sljedećih, čeka se na ponovni sastanak Komisije za izradu prijedloga mreže linija javnog prevoza putnika u KS na kojoj će se raspravljati o navedenoj liniji.

Naime, iako su predstavnici Komisije svojevremeno jednoglasno usvojili prijedlog da se predmetna linija uspostavi, bilo je neophodno da se obezbijede minimalni uslovi u pogledu stajališta i okretnice za minibus.

Predstavnici nadležne općinske službe su u koordinaciji sa Savjetom i Sekretarom MZ Vreoca, kao i sa predstavnicima Ministarstva saobraćaja KS izvršili terenski obilazak lokaliteta u cilju pronalaska najbolje lokacije za izgradnju okretaljke. Za bilo koju od dvije predložene lokacije u naselju Lužansko polje neophodno je izraditi Glavni projekat izgradnje okretnice, kao i rješavanje imovinsko-pravnih odnosa, a što ne može započeti dok Komisija za izradu prijedloga mreže linija javnog prevoza putnika u KS ne usvoji finalni lokalitet okretnice. Nažalost, informacija o održavanju sastanka predmetne komisije i donošenju finalne odluke čeka se već godinu i po dana.

Uzimajući u obzir činjenicu da je stanovnicima Lužanskog polja gorući problem nepostojanje javnog prevoza do ovog mnogoljudnog naselja, najprije zbog školske djece i zaposlenih kojima je prevoz potreban svakodnevno, kao i zbog osoba treće životne dobi koji se rijetko samostalno prevoze vlastitim automobilima, molim da Ministarstvo saobraćaja KS pokaže neophodnu odgovornost prema potrebama svojih građana i urgentno organizuje zasjedanje Komisije za izradu prijedloga mreže linija javnog prevoza putnika u KS koja će usvojiti finalni lokalitet okretnice za potrebe minibusne linije Ilidža-Lužansko polje, ukoliko nije u međuvremenu.

S poštovanjem,

  
**Neira Dizdarević**

**Zastupnica Naše stranke u Skupštini Kantona Sarajevo**